

**Gielddaráđđehus****Áigi** 10.10.2019 dmu 10:00 - 11:10**Báiki** Gielddadállu, gielddaráđđehusa čoahkkilatnja**Giedahallojuvvon áššit**

<b>§</b>	<b>Bajilčála</b>	<b>Siidu</b>
121	Čoahkkima lágalašvuohta ja mearridanváldi	4
122	Beavdegirjji dárkkisteaddjiid válljen	5
123	Čoahkkima bargoortnega dohkkeheapmi	6
124	Dili geahčadeapmi	7
125	Gávppinannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	8
126	ležas eretcealkin vuodđodorvolávdegotti lahttuvuođas, Maiju-Ilona Tähkápää	9
127	Gieldda bohtovearroproseantta nannen jahkái 2020	10
128	Giddodatvearu nannen jahkái 2020	11
129	Gielddaráđđehusa bohttevaš čoahkkimat	12
130	Gáregasnjárgga skuvla- ja boradanvistti burgin	13
131	Doaibmaorgánaid mearrádusat	14
132	Geahčastat ekonomalaš dillái	15
133	Áššit diehtun	16
134	Áitesavvona sajádatlávva	17

**Oassálastit**

Mielde	Namma	Diibmu	Bargu	Lassedieđut
	Kordelin Marjatta	10.00 - 11.10	Ráđđehusa várreságadoalli	
	Porsanger Veikko	10.00 - 11.10	Lahttu	
	Koivisto Anni	10.00 - 11.10	Lahttu	
	Ahlakorpi Anni	10.00 - 11.10	Lahttu	
	Lukkari Sammoli	10.00 - 11.10	Lahttu	
	Aikio Mika	10.00 - 11.10	Váldostivrra ságadoalli	
Eret	Tapiola Ilmari		Ráđđehusa ságadoalli	
	Nuorgam Eeva		Lahttu	
	Guttorm Rauna		Várrelahttu	
	Holma Lotta-Inkeri		Várrelahttu	
	Hekkanen Raimo		Várrelahttu	
	Valle Petteri		Várrelahttu	
	Laiti Niila		Várrelahttu	
	Nordberg Aulis		Várrelahttu	
	Lukkari Maritta		Várrelahttu	
Eará	Tieva-Niittyvuopio Vuokko	10.00 - 11.10	Gielddahoavda, áššegieđahalli	
	Länsman Marja	10.00 - 11.10	Beavdegirjedoalli	
	Aikio Esko	10.00 - 11.10	Tulka	

**Vuolláičállosat**

Marjatta Kordelin  
ságadoalli

Marja Länsman  
beavdegirjedoalli

**Gieđahallojuvvon áššit**

121 - 134

**Beavdegirji dárkkisteapmi**

Dárkkistanáigi 10.10.2019

Anni Koivisto

Sammoli Lukkari

**Beavdegirji lea dollojuvvon albmosis**

Gielldadállu, guovddášdoaimmahat 17.10.2019

Minna Lukkari  
almmuhantávvala dikšu

Čoahkkima lágalašvuohta ja mearridanváldi

Gr 10.10.2019 § 121

Čoahkkin gávnnavuvvo leat lágalaččat čoahkkái bovdejuvvon ja mearridanválddálaš.

**Mearrádus:**

Gávnnavuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Beavdegirji dárkkisteaddjiid välljen

Gr 10.10.2019 § 122

Válljejuvvojit čoahkkimii guokte beavdegirjedárkkisteaddji.

**Mearrádus:**

Beavdegirjedárkkisteaddjin välljejuvuiga Anni Koivisto ja Sammol Lukkari.

Čoahkkima bargoortnega dohkkeheapmi

Gr 10.10.2019 § 123

**Evttohus:**

Gielddaráđdehus dohkkeha áššiid gieđahallanortnega čoahkkima evttohuslisttu mielde.

**Mearrádus:**

Ságadoalli evttohii, ahte lasseáššin gieđahallojuvvo Áitesávvona sajádatlávva.

Gieđahallanortnet dohkkehuvvui evttohuslisttu mielde nu ahte dievasmahttojuvvo ságadoalli evttohan lasseáššiin.

Dili geahčadeapmi

Gr 10.10.2019 § 124

Gielddahoavda ovdanbuktá áigequovdilis áššiide guoski dili.

**Evttohus:**

Merkejuvvo diehtun.

**Mearrádus:**

Gielddahoavda ovdanbuvttii áigequovdilis áššiide guoski dili.

Anni Ahlakorpi buvttii ovdan skuvllaid sávaldaga ahte gieldda iešguđet skuvllain lágiduvvošii dilálašvuhta, mas mitaluvvo mánáide ja nuoraide gieldda doaimmaid birra. Gielddaráđđehus mearridii, ahte skuvlalaččat bovdejuvvojit gildii oahpásmuvvat dan doaimmaide. Dilálašvuhta ordnejuvvo oahppoplána ja skuvlla lohkanortnega olis oahpásmuvvama maiddá viidásabbot.

Gielddaráđđehus atná buorin dan, ahte skuvlla lágida fitnodat- ja ealáhuseallimii oahpásmuvvama maiddá viidásabbot.

Merkejuvvui diehtun.

Gávppinannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

Gr 10.10.2019 § 125

Gildii leat bohtán xx st gávppinannejeaddji giddodatluohpadanalmmuhusat, listu giddodatluohpadanalmmuhusain lea lassemateriálan. Giddodatluohpadanalmmuhusat leat ollásit oaidninláhka čeahkkimis.

Ovdaoastinlága mielde ovdaoastinvuoigatvuoda geavahettiin mearrádussii oažžuba oasti ja vuovdi ohcat nuppástusa váidimiin hálddahusriektái.

Gieldda mearrádussii leat geavatkeahtá ovdaoastinvuoigatvuoda ii oaččo ohcat nuppástusa váidimiin.

**Evttohus:**

Gielddaráđdehus merke diehtun gávppinannejeaddjiid giddodatluohpadanalmmuhusaid ja mearrida, ahte gielda ii geavat ovdaoastinvuoigatvuoda gávppi čuožáhagaide.

**Mearrádus:**

Evttohus dohkkehuvvui.



ležas eretcealkin vuodđodorvolávdegotti lahttuvuođas, Maiju-Ilona Tähkápää

124/00.02.00/2018

Gr 10.10.2019 § 126

Maiju-Ilona Tähkápää lea čálalaččat 20.9.2019 almmuhan ahte cealká iežas eret vuodđodorvolávdegotti lahttuvuođas daningo son lea hálddahusgotti vuollásaš bargi.

**Evttohus:**

Gielddaráđdehus evttoha váldostivrii, ahte váldostivra mieđiha Maiju-Ilona Tähkápääi earu vuodđodorvolávdegotti lahttuvuođas sihke nammada lávdegoddái ođđa lahtu.

**Mearrádus:**

Evttohus dohkkehuvvui.

Juohkin

Váldostivra

Giielda boahtovearroproseantta nannen jahkái 2020

191/02.03.00/2013

Gr 10.10.2019 § 127

Giieldalága 111 §:a mielde maŋimuštá bušeahta dohkkeheami oktavuodas váldostivra galgá mearridit giielda boahtovearroproseanttas, giddodatvearroproseanttain sihke eará vearuid vuodustusain. Boahtovearroproseanta almmuhuvvo njealjádasproseantaovttadaga dárkilvuodain. Jagi 2020 boahtovearroproseantta berre almmuhit vearrohálddahussii maŋimuštá maŋnebárgga 19.11.2019.

Ovttá vearroproseantta vearroboahu jahkái 2018 lei sullii 180.000 euro. Jagi 2019 vearroproseanta lea 21,00. Bušeahtas lea árvvoštallojuvvon jagi 2019 čoggon giieldavearromearrin 3.800.000 euro. Giieldas leamašan stuorra investeremat maŋimuš jagiin, ja dat bohtet vel lasi boahtte jagi.

**Evttohus:**

Giieldaráđđehus evttoha váldostivrii jagi 2020 boahtovearrun 21,00 proseantta.

**Mearrádus:**

Evttohus dohkkehuvvui.

Juohkin

Váldostivra

Giddodatvearu nannen jahkái 2020

192/02.03.00/2013

Gr 10.10.2019 § 128

Giddodatvearrolága mielde váldostivra mearrida gieldda giddodatvearroproseanttaid sturrodaga jahkásaččat ovddalgihtii seammás go dat nanne vea ruhanmeannudanlága mielde váriiddikšunjagi bohtovearroproseantta.

Jagis 2019 giddodatvearu badje- ja vuolleráját leat dát:

	Min. %	Max. %	Ohcejogas j. 2019	gá. Lappi guovllus
Almmolaš giddodatvearru	0,93	2,00	1,25	1,24
Fásta viesu gv.	0,41	1,00	0,65	0,53
Eará ássanviesuid	0,93	2,00	1,60	1,21
Fápmolágádusaid		3,10	-	
Huksekeahtes huksensadji	2,00	6,00	2,00	

Rádjeárvvuiguin giddodatvearu bohtu lea čuovvovaš:

	Vearuhusárvu €	Min%€	Max% €
Almmolaš giddodatvearru	22.806.341,00	212.098,97	456.126,82
Fásta viesu gv.	25.969.974,00	106.476,89	259.699,74
Eará ássanviesuid	12.967.839,00	120.600,90	259.356,78
Huksekeahtes huksensadji	39.706,00	794,12	2.382,36
Oktiibuot €	61.783.860,00	439.970,88	977.565,70

Giddodatvearu čoggon jagis 2018 lei 620.973 euro. Giddodatvearru lea árvvoštallon čoggot jahkái 2019 sullii 640.000 euro.

### Evttohus:

Gielddaráđdehus evttoha váldostivrii jagi 2020 giddodatvearroproseanttaid ná:

Almmolaš giddodatvearru	1,25
Fásta viesu giddodatvearru	0,65
Eará ássanviesuid gv	1,60
Huksekeahtes huksensadji	2,00

### Mearráduš:

Evttohus dohkkehuvvui.

Juohkin

Váldostivra

Gielddaráđđehusa boahttevaš čoahkkimat

Gr 10.10.2019 § 129

Ohcejoga gieldda hálddahunjuolggadusa 129 §:a mielde doaibmaorgána mearrida čoahkkimiiddis áiggi ja báikki.

Čoahkkin dollojuvvo maid, goas ságadoalli oaidná čoahkkima dárbbaslažžan dahje eanetlohku doaibmaorgána lahtuin dahká ságadoallái evttohusa čoahkkima doallamis sin almmuhan ášši gieđahallama várás. Dákkár dilis ságadoalli mearrida čoahkkináiggi.

Ságadoalli sáhtá ákkastallon siva geažil šluhttet čoahkkima.

**Evttohus:**

Gielddaráđđehus mearrida čoahkkinbeaivin 1.11.2019 dmu 10.00 rájes ja 2.12.2019 dmu 13.00 rájes. Čoahkkimat dollojuvvojit gielddaráđđehusa čoahkkinlanjas.

**Mearráduš:**

Evttohus dohkkehuvvui.

Juohkin

Gielddaráđđehusa lahtut  
Hálddahunsgottit

Gáregasnjárgga skuvla- ja boradansálevistti burgin

Gr 10.10.2019 § 130

Ohcejoga gielda lea skuvllaid oppalaš plánemis váldán vuhtii maddái geavahusas eretbáhcci doaibmalanjaid ja visttiid dárbbu ja ortnega.

Gáregasnjárgga skuvllaid oasil lea váldostivra várren skuvlla ja boradansálevistti (ovddeš ásodat) burgimii mearreruđa.

Ággan leat fásta goluid goluid uhcideapmi ja eanalieggasa doarváivuođa dorvvasteapmi ođđa skuvlii.

Teknikkalaš doaibma lea válmmaštallan fáraldatbivdagii gullevaš áššegirjiid ja áigetávvala dáfus burgin ollašuhttošii go skuvllat nohket ovdal ođđa lohkanjagi álgima. Áššegirjiid leat oaidninláhkai čoahkkimis.

Teknikkalaš doaibma bivdá gielddaráđdehusas gieldda giddodagaid oamasteamis vásttolaš doaibmin lobi skuvlavistti burginbarggu ollašuhttimii plána mielde.

Válmmaštalai: vd. giddodathoavda

**Evttohus:**

Gielddaráđdehus addá miehtama Gáregasnjárgga skuvla - ja boradanvistti burgimii.

**Mearráduš:**

Gielddaráđdehus mearridii ovttamielalaččat, ahte ášši gieđahallan sirdojuvvo čuovvovaš gielddaráđdehusa čoahkkimii ja čielggaduvvo leago skuvlavistti burgin geavadagas vejolaš boahtte gease ollašuhttit, go válde vuhtii ođđa doaibmalanjaid gárvvásmuvvan sihke skuvlla doaibmama ordnedeamit.

Juohkin

Teknikkalaš doaibma

Doaibmaorgánaid mearrádusat

Gr 10.10.2019 § 131

Lávdegottiid beavdegirjijt galget doaimmahuvvot gielddahovdii njealje beaivve siste beavdegirjji dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa sihke vuollásaš stivrra ja virgehálddašeaddji mearrádusaide. Váldinmearrádusa sáhtá dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit maŋimuštá njulgengáibádusáiggi siste. Geavadis gielddahoavda manná lávdegottiid mearrádusaid čađa. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjijt diehtun ja seammás mearriduvvo, ahte váldinvuoigatvuohta ii geavahuvvo beavdegirjjiide gullelaš áššiin. Beavdegirjjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavaheamis gielddaráđdehusa čoahkkimiin.

Čuovvovaš doaibmaorgánaid beavdegirjijt leat oaidninláhkai čoahkinbáikkis:  
Vuodđodorvolávdegoddi 19.9.2019.

**Evttohus:**

Gielddaráđdehus merke diehtun doaibmaorgánaid dahkan mearrádusaid ja gávnna, ahte GiellaL 51 §:s meroštallon váldinvuoigatvuohta ii leat geavahuvvon.

**Mearrádus:**

Evttohus dohkkehuvvui.

Geahčastat ekonomalaš dillái

Gr 10.10.2019 § 132

Gullat ekonomalaš dili birra.

**Evttohus:**

Merkejuvvo diehtun.

**Mearrádus:**

Merkejuvvui diehtun.

Merkejuvvui beavdegirjái, ahte gielddaráđđehus ávžžuha hálddahušgottiid čuoovvut hui čavga ekonomalaštivrra. Dan lassin skáhppomiin berre váldit vuhtii, ahte ollašuhthojit dušše vealtameahttun skáhppomat.

Juohkin

Hálddahušgottit

Gielddaráđdehus

§ 133

10.10.2019

---

Áššit diehtun

Gr 10.10.2019 § 133

**Evttohus:**

Gielddaráđdehus merke ahte lea ožžon diehtun čuovvovaš áššebáhpáriid:

Áel/Kela

- Oahppamateriálalassi ozakeahttá duháhiin oahppiin  
- Toimeentuloturvainfo; Áel deattuha áššehasaide kontuváldosa dehálašvuoda

Kuntatyönantajat

- Ođđa bargoaigelahka ja dan fápmuiboahdin

Lappi lihttu

- Stivrri 2.9.2019 čoahkkima beavdegirji

Maahanmuuttovirasto

- Maahanmuuttovirasto ođasreive 5/2019

Meahcceráđdehus

- Nuppástus dutkanlohpaí guhkesáigásaš mihtidanrusttegiid bidjami  
Geavu luonddumeahccái

Pirkanmaa ELY-guovddáš

- Bázahusfuolahusa ođasreive 3/2019

Soađegili gielda

- Beavdegirji válddus 13.9.2019 § 101; Birasdárkkisteaddji virggiid  
(2 st) deavdin

**Mearráduš:**

Merkejuvvui diehtun.



## Áitesavvona sajádatlávva

Gr 10.10.2019 § 134

Seitap Oy / Tapani Honkanen lea válmmatallan Áitesavvona sajádatlávva koartiliid 1, 2, 3 ja 9-14 sajádatlávva hápmosa ja lávvahápmosa čilgehusa.

Čuovusin lávvahápmus, dan čilgehus ja válmmaštallanmuttu gulahus.

Heivehuvvon vuoigatvuođarávvgat

Eanageavahan- ja huksenláhka 62 §, Eanageavahan- ja huksenásahus 30 §.

**Evttohus:**

Gielddaráđdehus mearrida gulahit Áitesavvona koartiliid 1, 2, 3 ja 9 -14 sajádatlávva ja koartila 3 huksensaji 1 sajádatlávva nuppástusa hápmosa oasálaččaid ja eará gieldda olbmuid oaiviliid gullama várás albmosii 23.10. – 6.11.2019 gaskasaš áigái.

**Mearráduš:**

Anni Koivisto evttohii, ahte ášši gieđahallan sirdojuvvo čuovvovaš čoahkkimii. Anni Ahlakorpi guottihii Anni Koivisto evttohusa.

Ságadoalli gávnnaš, ahte čoahkkimis lea dahkkon guottihuvvon evttohus ášši sirdimis čuovvovaš čoahkkimii. Ságadoalli evttohii, ahte čađahuvvo nammačuorvunjienasteapmi, mas JAA lea ahte ášši gieđahallan jotkojuvvo dán čoahkkimis, ja EI lea ahte ášši gieđahallan sirdojuvvo čuovvovaš čoahkkimii. Jienastanortnet dohkkehuvvui ovttamielalaččat. Jienat addojedje oktiibuot 5 st, main JAA jienat 3 st (Veikko Porsanger, Sammol Lukkari, Marjatta Kordelin) ja EI jienat 2 st (Anni Koivisto, Anni Ahlakorpi). Jienasteami vuođul gielddaráđdehus jotkkii ášši gieđahallama.

Evttohus dohkkehuvvui.

Juohkin

Teknikkalaš doaibma

**Nuppástusohcangildosat**

<b>Gildosiid vuoddu</b>	Čuovvovaš mearrádusain ii oaččo dahkat giieldalága 136 § mielde vuigengáibádusa iige gieldaváidaga, dasgo mearrádus guoská dušše válmmaštallama dahje ollašuhhtima: Paragráfat 121, 122, 123, 124, 126, 127, 128, 130, 131, 132, 133, 134
	Daningo mearrádusas sáhtta dahkat giieldalága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohat nuppástusa váidimiin: Paragráfat 125, 129
	Hálddahusgearregastinlága (HallintolainkäyttöL) 5 § / eará lánkaásahusa mielde čuovvovaš mearrádusaide ii oaččo ohat nuppástusa váidimiin. Paragráfat ja váidingildosiid vuoddu

**Vuigengáibádusrávvagat**

<b>Vuigen- gáibádus- virge- oapmahaš ja váidin- áigi</b>	Čuovvovaš mearrádusaide duhtameahtun sáhtta dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja poastačujuhus:  <b>Ohcejoga gielddaráđdehus PL 41 99981 Ohcejohka</b>  Paragráfat 125, 129  Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusáiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidninláhka almmolaš diehtofierpmádahkii
<b>Vuigen- gáibádusa sisdoallu</b>	Vuigengáibádusas galgá boahit ovdan gáibádus vuđđosiiguin ja dan galgá dahkki čállit vuollái.

**Váiddačujuhus**

<b>Váiddavir- geoapma- haš ja váidináigi</b>	Čuovvovaš mearrádusaide oažžu ohat nuppástusa čálalaš váidagiin. Vuigengáibádusas addojuvvon mearrádussii oažžu ohat nuppástusa gieldaváidagiiguin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohat nuppástusa gieldaváidagiiguin maiddá áššáiosolaš sihke gieldda lahttu.
	Váiddavirgeoapmahaš, čujuhus ja poastačujuhus Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU
	Giieldaváidda, paragráfat <span style="float: right;">Váidináigi 30 beavvi</span>
	Hálddahusváidda, paragráfat <span style="float: right;">Váidináigi beavvi</span>
	Eará váiddavirgeoapmahaš, čujuhus ja poastačujuhus Paragráfa <span style="float: right;">Váidináigi beavvi</span>
	<span style="float: right;">beavvi</span>
	<span style="float: right;">beavvi</span>
	Váidináigi álgá mearrádusas dieđu oažžumis. Váidináiggi rehkenasttedettiin diehtunoažžunbeaivi ii váldojuvvo lohku.

**Laktojuvvo beavdegirjai**

Beavdegirjii dárkkisteaddjit:

<b>Váiddagirji</b>	<p>Váiddagirjiis galgá almmuhit</p> <ul style="list-style-type: none"> <li>- váidi nama, poastačujhusa, ruovttugieldda ja telefonnummira</li> <li>- mearrádusa, masa ohcá nuppástusa</li> <li>- miltä osin päätöksestä valitetaan ja muutos, joka siihen vaaditaan tehtäväksi</li> <li>- nuppástusgáibádusa ákkaid</li> </ul> <p>Váiddagirji galgá váidi dahje váiddagirji eará ráhkadeaddji vuolláičállit. Jos dušše ráhkadeaddji lea vuolláičállán váiddagirji, de das galgá máinnašit maiddá ráhkadeaddji ássangieldda, poastačujhusa ja telefonnummára.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopiijan sihke duođastusa das man beavve mearrádus lea addojuvvon diehtun dahje eará čilgehusa, man rájes váidináiggi galgá lohkat.</p>
<b>Váiddaáššegirjiid doaimmaheapmi</b>	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi mañimuš beaivi lea bassebeaivi, iehčanasvuodabeaivi, válborbeaivi, juovla- dahje jonssotruohtta dahje árgalávvardat, de váiddaáššegirjiid oažžu doaimmahit váiddavirgeoapmahažžii vuosttas árgabeaivve dan mañná. ležas ovddasvástádusain váiddaáššegirjiid sáhtta sáddet poastta dahje áirasa mielde. Postii váiddaáššegirjiid berre guođđit nu áiggil, ahte dat gerget boahit ovdal go váidináigi nohká.</p> <p>Váiddaáššegirjiid sáhtta doaimmahit maid: namma, čujuhus, poastačujuhus      Paragrafat</p> <p>Váiddaáššegirjiid galgá doaimmahit 1): namma, čujuhus, poastačujuhus      Paragrafat</p>
<b>Lasse-dieđut</b>	<p><b>Dárkilis vuigengáibádusráva/váiddačujuhus laktojuvvo beavdegirji váldosii.</b></p>

<sup>1)</sup> Jos doaimmahuvvo eará sadjái go váiddavirgeoapmahažžii.